

- 5 í Borgarnesi, enda leggi Borgarnessókn fram söngkrafta eins og þörf krefur við þessar athafnir.
13. marz
2. Að afnot af kirkjugarði verði sameiginleg fyrst um sinn.
  3. Að um sjóð Borgarkirkju, eins og hann var um síðustu áramót, fari á þann hátt, sem samþykkt var á almennum safnaðarfundi fyrir Borgarsókn 14. janúar 1940. En kirkjugjöld gjaldenda, sem búsettir eru í Borgarnesi og á Bjargi, þau er féllu í gjalddaga 31. desember 1939, skulu innheimt af sóknarnefnd Borgarnessóknar.
- Þetta er yður hér með til vitundar gefið til leiðbeiningar og frekari birtingar.

6 **Bréf fjármálaráðuneytisins til tollstjórans í Reykjavík, um greiðslu innlands tollvörugjalds af svo kölluðum „Likörum“.**

18. marz

Hér með er yður tjáð, herra tollstjóri, að ráðuneytið hefir ákveðið að hinir svo kölluðu „Likörar“, sem gosdrykkjagerðir hér í bænum búa til og selja undir nöfnunum „Dom“ og „Kaloric“ o. fl., en drykkir þessir eru búnir til úr vatni, sykri, kjörnum og lit, skuli falla undir 8. lið, 4. kafla í 2. gr. laga nr. 60 30. des. 1939, og af þeim skuli greiða innlent tollvörugjald, 70 auro vörumagnsgjald fyrir hvern lítra.

7 **Bréf félagsmálaráðuneytisins til sýslumannsins í Suður-Múlasýslu, um skiptingu Geithellnahrepps í tvö sveitarfélög.**

20. marz

Samkvæmt beiðni hreppsnefndar Geithellnahrepps og meðmælum sýslunefndar Suður-Múlasýslu, um skiptingu Geithellnahrepps í tvö hreppsfélög, vill ráðuneytið hér með samkvæmt sveitarstjórnarlögum nr. 12 31. maí 1927, skipa svo fyrir sem hér segir:

1. Geithellnahreppi í Suður-Múlasýslu skal skipt í tvö sveitarfélög, er nefnast Geithellnahreppur og Búlandshreppur. Búlandshreppur nær yfir jarðirnar Teigarhorn, Búlandsnes, Borgargarð, Háls með hjáleigum og Papey. Ennfremur heyra Berufjarðareyjar og Þvottáreyjar til Búlandshrepps. Hreppamörk Búlandshrepps eru að norðan landamerki jarðanna Teigarhorns og Urðarteigs, en að sunnan landamerki jarðanna Hamars og Háls.
2. Búlandshreppur leysir til sín hluta Geithellnahrepps í Kristfjærjörðunum Búlandsnesi og Borgargarði með því að greiða Geithellnahreppi 1100 — ellefu hundruð — krónur á ári í næstu 60 ár og fer fyrsta greiðsla fram árið 1940. Gjaldtagi er 1. desember ár hvert. Búlandshreppur fær einn öll umráð jarðanna og greiðir af þeim skatta og skyldur.
3. Barnaskólahúsið á Djúpavogi er séreign Búlandshrepps, svo og öll kennsluáhöld, er því fylgja, og snertir í engu skiptingu annara eigna.
4. Hlutdeild hvors hreppsins um sig, Geithellnahrepps og Búlandshrepps, í læknisbústaðnum á Djúpavogi verður þannig, að þann hluta læknisbústaðarins, sem núverandi Geithellnahreppur á, eignast Búlandshreppur að 60 hundruðustu hlutum, en Geithellnahreppur að 40 hundruðustu. Að sömu hlutföllum taka þeir að sér skuldir vegna læknisbústaðarins.
5. Öllum eignum öðrum en þeim, sem taldar eru í 2.—4. lið hér að framan, svo og öllum skuldum, sem ekki tilheyra sérstaklega barnaskólanum eða læknisbústaðnum skal skipt eftir vísitölum, 40% fyrir Geithellnahrepp og 60% fyrir Búlandshrepp.

6. Framfærsla allra núverandi styrkþega sé sameiginleg og einnig þeirra, sem 7  
kunna að verða úrskurðaðir á hinn forna Geithellnahrepp. Hreppsnefnd hvers 20. marz  
hrepps annist um ráðstöfun og greiðslu vegna sameiginlegra styrkþega, sem  
heima eiga innan hvors hrepps um sig.

Af heildarkostnaði við sameiginlega styrkþega greiði hvor hreppur eftir sama hlutfalli og við skiptingu eigna og skulda. Um hver áramót skulu hreppsnefndir beggja hreppanna leggja fram reikninga yfir kostnað vegna sameiginlegra styrkþega.

Sá hreppanna, sem ekki hefir greitt til sameiginlegra styrkþega hlutfallslega upphæð sína af sameiginlegum framfærslukostnaði, skal þá greiða hinum hreppnum það, sem til vantar í hlutfallslega þátttöku í sameiginlegum framfærslukostnaði, sem er fyrir Geithellnahrepp 40% og fyrir Búlandshrepp 60%. Framlög hreppanna til elli- og örorkutrygginga móti framlagi annarsstaðar frá, sem ganga til sameiginlegra styrkþega, reiknast með kostnaði viðkomandi hreppa vegna kostnaðar við framfærslu sameiginlegra styrkþega.

7. Bækur þær, er hreppsfélagið á, skulu vera eign Búlandshrepps, en hreppsnefnd Geithellnahrepps skal eiga aðgang að þeim, þegar hún þarfnast.
8. Hreppsnefndarmenn skulu vera 5 í Geithellnahreppi og 5 í Búlandshreppi.
9. Skiptingu eigna og skulda skal miða við 1. janúar 1940, en að öðru leyti skulu hreppsnefndir hinna nýju hreppa hafa lokið hreppaskiptum fyrir 15. apríl 1940. Verði ágreiningur út af skiptunum skal úr honum skorið af sýslunefnd.

Þetta tilkynnist yður, herra sýslumaður, hér með til frekari aðgerðar og birtingar, að því viðbættu, að með framangreindri fyrirskipun er engin breyting gerð á hinum forna Geithellnahreppi sem dómþinghá né manntalsþinghá.

**Staðfesting konungs á skipulagsskrá fyrir Minningarsjóð Guðrúnar Sigurðar- 8**  
dóttur, Kristbjargar Marteinsdóttur og Sigríðar Hallgrímsdóttur, útgefin á venju- 2. jan.  
legan hátt að mandatum af dóms- og kirkjumálaráðherra 2. janúar 1940.

Skipulagsskráin er þannig:

## SKIPULAGSSKRÁ

fyrir minningarsjóð Guðrúnar Sigurðardóttur frá Halldórsstöðum, Kristbjargar Marteinsdóttur frá Yztafelli og Sigríðar Hallgrímsdóttur frá Landamóti.

### 1. gr.

Sjóðurinn heitir: Minningarsjóður Guðrúnar Sigurðardóttur, Kristbjargar Marteinsdóttur og Sigríðar Hallgrímsdóttur.

### 2. gr.

Sjóðurinn er stofnaður árið 1938 af samtíðar- og samstarfskonum hinna látnu kvenna, í Ljósavatns- og Þóroddsstaðarsóknnum, til minningar og þakkklætis fyrir vel unnin störf þeirra, í þágu sveitarfélagsins.

Stofnfé sjóðsins 31. desember 1938, nam krónum 375.50 — þrjú hundruð sjötíu og fimm krónur 50/100 —. En síðan hefir sparisjóður Kinnunga, á 50 ára afmæli sínu 1939, gefið til sjóðstofnunarinnar 2000 krónur, er hann greiðir með 500 kr. á ári í næstu 4 ár.